

آبونه شرائطی : هریر
ایچون سنه لکی (۲۷۵)
آلی آیلغی (۱۵۰)

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ نسخه در .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسدکه موافق آثار مع الممنونیه
قبول اولنور . درج ایدله یین
یازیلر اعاده اولنماز .

کتابخانه

سر ۱۳۳۰

صاحب و مدیر
اشرف ادیب

باش محرز
محمد عاکف

والله یهدی من یشاء الی صراط مستقیم

اتبعون اهدکم سبیل ارشاد

نه یوکسک بر درایت ۱

آسیاده بزدن آریلان طوپر اقلر مسئله سی مناقشه ایدیلیرکن-ین
 بك، (ین) ولایتی ده ایشه قاریشیدیرمش و اهالییی طرفدن آنا
 وطنه مربوط قالمق خصوصنده کی معلوم مراجعتله رغماً، بو خطه نك ده
 حکومت مزجه تورکیادن تمامیه منفك عداولوندیغنی تضمن ایدن سوزلر
 سویله مشدر. حالبوکه ینك بزدن انفکاک کی کچن قونفرانسه هیج
 موضوع بحث اولماش، بونی انکلیزلریله موضوع بحث اتمه مشلردی.
 بزم فکریمزجه بزه بو مسئله یی مسکوت کچیلیر، (ین) نك بزه
 قالماسنی صراحة طلب اتمه سكه بيله، بزدن فك ایدله سنی ادعا
 ایدلرده بولونمادیغنه نظراً، آرتق بزم عائد اولمادیغنی اقراره لزوم
 یوقدی. ایشه ۵۲ دن ۵۵ نجی به قدر اولان مسائلک مذاکره سنده
 یالکیز بوجهت بزم نظردقمزی جلب ایتمشدر، که بوبابده بزه کندی
 حسابمزه برقید احترازی درمیان اتمه دن چمکی موافق کو مه دک.
 (ین) مسئله سنی و بو خطه نك کیمه عائد اولاجغنی شیمدی به قدر
 انکلیزلر و فرانسلر بيله بودفعه موضوع بحث اتمه مشکن، بزم هیئت
 مرخصه مزك طامدن دوشرکی بوبخنی اورتیه آتاسنه نه عقلمز ایردی،
 نه ده حوصله مز قبول ایتدی.

هیئت مرخصه مزك هر درلو حقوقی مدافعه ده کوستردکاری
 عزم و جلادتی و اقتدار و مزینی چوق تقدیر ایتمکه برابر، طوروب
 طورورکن (ین) نك بزدن آری اولدیغنی سویله مه لری کندی حسابمزه
 هیچ ده موافق کورمه دک، اساساً هیئت وکیله رئیس رؤف بك،
 کچلرده بر نقطه ینك اجزای مالکمز دن اولدیغنی سویله مشدی.
 حسن بک عکسفی سویله مه سنده کی حکمتی آکلایامادق.
 «توحید افکار»

دارالفنونک و مدرسه لولک اصلاحی حقنده

بو هفته کی آقسام غزته لرندن بری «تحصیل و تربیه نك عمومیتله
 قنوابندائی اولدیغنی، بالخاصه استانبولده کی دارالفنونک بر قاج سنده بری
 مادی و معنوی انحطاطده بولوندیغنی، یازیور. عمومیت اعتباریه تحصیل
 و تربیه نك فسا و ابتدائی اولدیغنی، معارفک هنوز بر استقامت سالمه
 طوته مادیغنی آناطولیده دخی کزدیکمز هر یرده کوردک و بونک اسباب
 و عواملی ممکن مرتبه ایضاحه جالیشدق. یالکیز اوچ سنده دبری
 بوراده بولنه مادیغمز جهتله استانبول دارالفنونک صولک زمانلرده کی
 انحطاطی حقنده کافی معلوماته مالک بولونمایورز. نه هیئت اداره، نه ده
 هیئت تدریسیه طرفدن غزته نك بو ملاحظه سنی حقنده بر اعتراضده
 بولونمادیغنی جهتله انحطاطک بر امرواق اولدیغنی قبول ایتک لام کلیر.

مع مافیه بز آنقرده ایکن ده دارالفنونک اصلاحی لزومی حقنده بعض
 سوزلر ایشیدییوردق. دین و وطن خائنی علی کمالک دارالفنونی مادی،
 معنوی تخریب اید. چک اجرا آتده بولونمسی؛ بعض مقتدر مدرسلری
 چیقارتمسی، طلبیه قارشى خصمانه برطور طاقینمسی، انا نه مخصوص
 قسمی قالدیرمق قیزلری ارککلرله بر آرده بولوندورمغه مجبور
 طونمسی هرکس کی مجلس ملی اعضای محترمه سنی ده متأثر ایدیوردی.
 بالخاصه ملتک حیات اجتماعیه سنه قارشى برضربه ماهیتده اولان بومشترک
 تحصیل یوزندن حصوله کلن انفعال بك شدتلی ایدی. اجنبی قوتلره
 استناد ایدن علی کمالک بو تخریبات و ضربه سنه او زمان دارالفنون
 هیئت اداره سئک مقاومت کوستر. مهنمسی آنقرده بعض ذوات معذور
 کوردکاری حالده بعضلری ده کورمه مک ایسته یورلردی. کورولبورکه
 علی کمالک او زمان دارالفنونک کرک مادیات، کرک معنویاتنده ایقاع
 ایتدیکی تخریبات، مع التأسف بك آرزمان طرفنده بومؤسسه عالیه نك
 انحطاطنه بادی اولمش بولونیور. دارالفنون ملتک اک مهم بر رکن
 حیاتیدر. آقسام غزته سئک یازدیغنی وجهله بونی دوشمش اولدیغنی
 انحطاطدن بر آن اول قورتارمق اولیای امورک اک متحتم وظیفه سیدر.

**

ینه غنی غزته مدرسه لولک توحیدیه معظم بر دارالفنون وجوده
 کتیرمک لزومندن بحث ایدیور. حقیقه بوده حل ایدیلسی لازمکن
 مسائلدن بری در. هر طرفده مدرسه لولک داغنیق بر حالده بولونمسی
 حقیقه استفاده یه مانع بولونیور. شرعیه و کالتی تدریسات مدیریت
 عمومیه سئک بو جهتی نظر دفته آله رق توحید مدارس تشبثاتنده
 بولونمش اولدیغنی آنقرده ایکن خبر آلمشدق. مدیریت مشارالیه نك
 نقطه نظرینه کوره هر شهر و قصبه ده کی موجود مدارس اوقافنک
 برلشیدیرلرک، ینه غنی شهر و قصبه ده، بلغاً ماباغ احتیاجی تأمین
 ایده چک بویوک بر مدرسه انشا و تأسیس ایتک و بوتون طلبه علمی
 او مدرسه یه طویلامق بك فائده لی تلقی اولونیور. تدریسات مدیر عمومیه
 فاضل محترم اقسه کیلی احمد خدی افندی اونه دن بری بو مسئله ایله
 اشتغال ایتمکده در.

بوندن باشقه بری استانبولده، بری اورتیه آناطولیده، بری ده
 ولایات شرقیه ده اولق اوزره اوچ بویوک کلیه اسلامییه نك تأسیسی
 دوشونولمکده در. حق و انده (مدرسه الزهرا) نامیه معظم بر مدرسه نك
 انشاسی ایچون یوز یکریمی بیك لیوانک تخصیصی حقنده یوز التمش
 کسور امضالی برتقریر مجلس ملی ریاسته تقدیم اولونمشدی. مجلسک
 تعطیلی مناسبتیه بوتقریرک مذاکره یی تأخر ایتمشدر.

کرک دیکر مدارسک، کرک بو کلیه اسلامییه لولک پروگراملری
 احضار ایتک اوزره آنقرده شرعیه و کالتنده اون بش قدر افاضل

نور کلام و عرس آره سنده افرونی تحکیم ایچونه
هند خلافت جمعیتک توسطی

(بومبای) ده انتشار ایدن (بومبای قرونیکل) غزته سنک نشر یاتندن
آ کلاشلدیغه نظراً هندستان خلافت جمعیتی (غایا) ده عقد ایستیکی سنوی
قونفره سنده عربستانه بر هیئت مرخصه اعز منه قرار ویرمش و بوهیتک
مولانا عبدالباری ، مولانا ابوالکلام آزاد ، مسیح الملک حکیم محمد
اجمل خان ، مولانا عبدالحمید ، سید سلیمان ندوی ، سید احمد حاجی
صدیق خاطری ، دن تشکل ایتمه سنی موافق کورمشد . حکیم اجمل
خان عربستانه کیدم مدیکي تقدیرده اونک یرینه (مولانا سید حاجی
خورشید حسین) ک کتبه سنی ده تقرر ایتمشدی . هیئتک کاتبلیکنه
(مولوی سید هاشم) تعیین اولومشد .
بوهیتک وظیفه سی عربستانک احوالی تدقیق و تورکارله عربلر
آره سنده اخوت و مودتی تحکیم ایچون صرف مساعی ایتمکدر .

حکومت ملیه مزه افترا

دارالفنون معلملرندن (آورام غالاتی) افندی (وطن) غزته سنده
نشر ایستیکی بر فقره ده بطریقخانه لرله خاخالخانه لرک وظیفه لری تمامیه
روحانی اولدینی جهته انتخابات ایشلریله علاقه لری اولمادیغنی سویلیور، که
طوغرودر . یالکیز آورام افندی آره یه (حکومت ملیه) مزیه ده
صوقوشدورده رق دیورکه :

«حکومت ملیه ، دوموقراتیک یعنی «خلق» اساسلری اوزرینه استناد
ایستیکی ایچون ، یکی تورکیا نظرده ، هر ده موقراتیک مملکتده اولدینی
کبی، یالکیز افراد واردر. دینی عقیده ایسه تمامیه وجدانی بر مسئله اولدیغندن
دولتک قوانین مجموعه سیله علاقه سی یوقدر .»

آورام افندی بو بیاناتیله (حکومت ملیه) مزه افترا ایدیور .
حکومت ملیه اونک ظن ایستیکی کبی - مثلاً فرانسه ده اولدینی وجهه -
لانیق یعنی لادینی بر حکومت دکدر . تورکیا بویوک ملت مجلسی
حکومتی بر حکومت اسلامییه در . واحکام شرعیه نک دولتک قوانین
مجموعه سیله علاقه سی ، علاقه اساسیه و کلیه سی واردر. از جمله تشکیلات
اساسیه قانوننده (احکام شرعیه نک تفهید و اجراسی) مجلس عالی به
عائد اولدینی مصر حدر . بناء علیه تمامیه مسلمان اولان و اساسات
اسلامیه به اقتنا ایدن واحکام شرعیه بی بالفعل اجرا و تطبیق ایتمکده
اولان حکومت ملیه مزه قارشو وقوع بولان بو اسناداتی رد ایدر
و آورام افندی نک حکومت ملیه اسلامیه مز حقدده سوزسویلرکن سوزینی
طارتهدرق سویلرینی اخطار ایلرز .

سبیل الرشاد بهرما استانبولده انتشار ایده بیکی بهرینه کونمده بیکی
مکتوب دره والیرک طوغرودر و طوغرودیه استانبولده ارسال اولومسی بهر اولور .

شهرزاده باشی : اوقاف اسلامیه مطبعه سی

علما و مبعوثان کرامدن مرکب (عصرنی مدرس لر) هیئتک تشکل
ایتمش و بوهیتک مساعی سی اکیله موفق اولمشدی . کله جک سینه
تدریسیه دن اعتباراً استانبولده کی (مدرسه المتخصصین) ک بویکی
بروغرامه کوره تدریساته باشلایه جنی مأمولدر .

بو کلیه اسلامیه لرله اقطار مختلفه اسلامیه دن طلبه جلب ایدیله جکی
و بونلرک مصارفه طلبه کوندرن ملئر طرفندن ده معاونت ایدیله جکی
حقدده بعض صلاحیتدار ذوات ایله کوروشولمشدی .

ان شاء الله جناب حق خیرلی بر صلح و صلاح احسان ایدرده
ملئمز ، علم و عرفان ساحه سنده ده بویوک قدرتلر ، برقیلر کوسثرمه یه
موفق اولور .

هندستانده یکی بر اسلام غزته سی

هندستانک (قالبکوتا) شهرنده فاضل محترم عبدالرزاق اللکنوی
افندی نک ریاست تحریریه سی و رئیس العلماء مولانا ابوالکلام احمد
افندی نک حمایه سی آئنده (الجامعه) عنوانیله عربجه بر مجموعه انتشاره
باشلامشد . (الجامعه) رفیقمرک مقاصد مهمه سی بوجه آئیدر :

۱ - بالخاصه جامعه اسلامیه یه ، وبالعموم جامعه شرقیه
دعوت .

۲ - ممالک اسلامیه و شرقیه آره سنده بالخاصه هندستان ، عالم
اسلام و عربستان آره سنده تعارف و تعاون رابطه لری تقویه ایله هر
ملتک فعالیتنی قردوش ملئرک فعالیتله ربط ایتمک .

۳ - انقلاب و اصلاح دورنده شرق ملئرینک صرف ایستکاری
مساعی بی توحید ایتمک .

۴ - اقطار مختلفه ده یاشایان متفکرین اسلامیه نک یکدیگرینی
طمانیسی ، و تجدد اسلام حقدده مبادلۀ افکار ایتمه لری تأمین ایله
اصلاحات و تجدیدات ایچون درست بر خط حرکت شیت ایتمک .

۵ - اسلام مملکتلرنده ، بالخاصه هندستان و افغانستانده ، اقوام
اسلامیه آره سنده دینی و علمی لسان اولان و اسلام حیات اجتماعیه سنک
جانانماسنه الک برنجی واسطه اولان لسان قرآنک ترقیسنه چالیشمق .

۶ - مقالات علمییه نشریله ، محققینک افکارینی طوبیلامقاه ، تدقیقات
ایله علوم اسلامیه نک احیانه غیرت ایتمک .

هندلی رفیقمرک بوتون مسلمانلرک غایه سی اولان اشبو مقصدلری
تحقق ایتمه لری ایچون وقوع بولاجق مجاهدانده موفق بالخییر اولماسی
تمنی ایدرز .